

SHOQËRIA TREGTARE ME ORTAKËRI DHE PËRGJEGJËSI TË KUFIZUAR

"So.Par.Fin " SH. P. K

DURRËS -SHQIPËRI

STATUT

KREU I: EMËRTIMI - OBJEKTI - SELIA - KOHËZGJATJA

NENI 1

Në Durrës, sot me datë **30 Korrik 2020** (dymijë e njëzetë) ditë e Enjte, unë shtetasi me këto identitete :

Shtetasi **Taddeo Gianluca**, i lindur në Brindisi (BR) më 29 Prill 1972, me vendbanim. në Brindisi (BR), përmes Liguria n. 61, kodi fiskal TDD GLC 72D29 B180R;

Me anën e këtij Akti Themelimi krijoj Shoqërinë Tregëtare me përgjegjësi të kufizuar "So.Par.Fin" Shpk.

NENI 2

Selia Qendrore e Shoqërisë është në adresën: Durres, Lagjja nr.12, pasuria nr.6/500NDN57, zona kadastrale 8513.

NENI 3

Shoqëria e shtrin aktivitetin tregëtar në të gjithë juridiksionin territorial të Republikës së Shqipërisë si dhe jashtë shtetit, në çdo shtet tjetër të huaj.

Me Vendim të Asamblesë së Ortakëve mund të krijohen ose anulohen (në rast se janë çelur) Seli, Filiale Agjensi dhe Përfaqësi si në qytete të tjera të Shqipërisë dhe jashtë shtetit.

Njësitë e tjera strukturore të Shoqërisë, si Degë apo Përfaqësi dhe jashtë shtetit krijohen kur një gjë të tillë e parashikon dhe lejon edhe legjislacioni i vendeve të huaja normat e së drejtës ndërkombëtare private dhe parimet e reciprocitetit tregtar mes vendeve të ndryshme.

NENI 4

Kapitali Themeltar i Shoqërisë është në likuditet në shumën **10.000 Euro** (dhjetëmijë) Lek në 1

kuotë me vlerë nominative **1 kuote/10.000 Euro**, i formuar dhe nënshkruar Ortakët:

I. Ortaku Z. Taddeo Gianluca kontribues me shumën 10.000 Euro e barabartë me **1 Koutë që ze 100% të Kapitalit**.

Ortaku ka pavarësi ligjore, organizative si dhe të drejta pronësie mbi çdo lloj Kapitali, mjete xhiroje apo çdo lloj pasurie tjetër (të luajtvëshme apo të paluajtvëshme), të fituar në rrugë të ligjëshrne.

Shoqëria përgjigjet vetëm me kapitalin e saj.

Ortaku ka të drejtë të transferojë jashtë territorit të Republikës së Shqipërisë pjesërisht ose tërësisht kontributin e tij përfshirë fondet dhe vlerat e kontributit në NATYRË bazuar në të drejtën që i njeh Ligji "**Për Investimet e Huaja**".

Shoqëria dhe të tretët, respektojnë këto Transferime sapo tu bëhen të ditura.

NENI 5

Kapitali nuk mund të jetë kurrë i përfaqësuar me letra me vlerë.

NENI 6

Kohëzgjatja e ushtrimit të aktivitetit të Shoqërisë është **PA AFAT**, duke filluar ky afat nga dita e rregjistrimit në Qendrën Kombëtare të Rregjistrimit.

Me Vendim të Asamblesë së Ortakëve, kohëzgjatja ushtrimit të aktivitetit të Shoqërisë mund të ndryshojë dhe ky **VENDIM** i dërgohet menjëherë për depozitim Qendrës kompetente për të bërë shënimet e nevojshme në Rregjistrin e Shoqërive Tregtare.

NENI 7

Shoqëria e zhvillon veprimtarinë e saj tregtare në përputhje të plotë me Legjislacionin shqipëtar në fuqi si dhe mbi bazën e Kontratës së Themelimit dhe këtij Statuti të saj.

NENI 8

Shoqëria krijohet për të ushtruar aktivitetin e saj tregëtar në këto Drejtime:

Kompania ka si objekt veprimtarinë e saj të ndërmjetësimit të kredisë dhe për këtë arsye kompania do të jetë në gjendje, edhe përmes aktiviteteve konsulente, të vendosë marrëdhëniet midis

bankave ose ndërmjetësve financiarë të përcaktuara me klientelën e mundshme për lëshimin e çdo forme të financimit (duke përfshirë por jo të kufizuar në brokerimin e 1-të të kredisë në: aktivitetet e dhënies së kredisë, përfshirë çështjen e garancive dhe angazhimeve të zëvendësuesit të kredisë, qiraja e 1-të financiare në institutet e specializuara, blerja e kredive, kredia konsumatore, kredia hipotekare, kredia në kredi, lëshimi i garancive, miratimet, hapjet e kredisë dokumentare, pranimet e pranuar, si dhe angazhimet për dhënien e kredisë).

NENI 9

Me qëllim arritjen e objektivit të shoqërisë, ajo ka të drejtë të merret me gjithçka që ka lidhje me objektin e saj, duke përbushur të gjitha veprimet tregtare, për pasuritë e paluajtëshme dhe të luajtëshme, financiare e bankare, edhe me veprime të zbuluara (përfshirë mbledhjen e fitimit), duke pranuar pjesëmarrjen në fitim si dhe marrjen pjesë në shoqëri të tjera dhe sipërmarrje me objekt veprimtarie analoge, të ngjashëm ose të lidhur me të, qoftë direkt, qoftë indirekt.

NENI 10

Shoqëria e fiton personalitetin juridik nga dita e pajisjes me çertifikatën e Identifikimit të personit të Tatuashëm (NIPT) nga Qendra Kombëtare e Rregjistrimit.

KREU II : KUSHTET EKONOMIKE

NENI 11

Shoqëria çel llogari Bankare në Lek vendi dhe çdo lloj valute, në Banka vendase ose të huaja, private apo shtetërore, me qëllim për të kryer veprimet e nevojshme për ushtrimin dhe përballimin financiar të akitivitetit të saj.

Ortaku i vetëm i shoqërisë i caktuar në Aktin e Themelimit dhe Statutin e Shoqërisë, depoziton specimentin e firmës origjinale në bankat ku është çelur llogaria dhe veprimet bankare kryhen me firmën e tij për veprimtarinë e zakonshme financiare kryerja pagesave, likudimeve me furnitorët jashtë e brenda vendit të detyrimeve fiskale shtetërore si tatimore, doganore, sigurimeve shoqërore e shëndetësore, tvsh.

NENI 12

Administrator i Përgjithshëm i Shoqërisë, emërohet **Z. Taddeo Gianluca**, ne mjet identifikimi pasaporte ne nr.YA7780233 bazuar në nenin 95 të Ligjit Nr.9901 datë 14.04.2008 "Për tregtarët dhe Shoqëritë Tregtare", emërohet për një periudhë kohe 5 vjet, me të drejtë ripërtëritje.

NENI 13

Ortaku, ka të drejtë të transferojnë jashtë territorit të Republikës së Shqipërisë pjesërisht apo tërësisht Kontributin e tij përfshirë dhe Fondet e Kontributet në Natyrë bazuar në të drejtën që parashikon dhe lejon Ligji "Për Investimet e Huaja".

Transferimet e pjesëve të Kapitalit Themelor, duhet të jenë të vërtetuara me Akt Noterial, dhe për një gjë të tillë ortakët duhet të marrin paraprakisht Vendim me shkrim.

Shoqëria dhe të tretët, duhet të respektojnë këto Transferime sapo tu bëhen të ditura.

NENI 14

Kapitali Themeltar i Shoqërisë mund të rritet ose zvogëlohet, mbi bazën e Vendimit me shkrim të ortakëve dhe i dërgohet menjëherë Qendrës kompetente që e ka njohur dhe rregjistruar Shoqërinë Person Juridik.

NENI 15

Zmadhimi i Kapitalit Themeltar, mbi bazën e Vendimit me shkrim të Asamblesë, bëhet kur ortaku i vetëm ka deklaruar, nënshkruar dhe derdhur vullnetarisht pjesën e Kapitalit që kërkon të zmadhojë, si në formën e Kontributit në valutë ose leke dhe në natyrë.

NENI 16

Ashtu sikurse dhe në rastin e zmadhimit dhe kur bëhet *zvogëlimi i Kapitalit Themeltar* merret Vendim me shkrim nga Mbledhja e Posaçme e Asamblesë dhe zvogëlimi i Kapitalit themeltar e prek Ortakun në ate raport të pjesës së Kontributit që ata përfaqësojnë në krijimin e Kapitalit Themeltar.

Në rastin kur Asambleja e Ortakëve vendimin për Zvogëlimin e Kapitalit themeltar e merr për shkakun se humbjet e Shoqërisë arrijnë nën limitin e parashikuar dhe lejuar nga Kodi Tregëtar për Shoqëritë me ortakëri me përgjegjësi të kufizuar, krahas vendimit për zvogëlimin e Kapitalit

Themeltar, ortakët duhet të marrin Vendim dhe për të përcaktuar:

- a. Nevojën e ndryshimit të formës juridike të Shoqërisë duke kaluar në një formë tjetër.
- b. Ndryshimin e Aktit të Themelimit dhe të Statutit të saj.
- c. Të bëjnë publikimin dhe njoftimin e të tretëve me të cilët Shoqëria ka marrëdhënie kontraktore si dhe të kreditorëve të saj.

NENI 17

Si në rastin kur Ortaku merr Vendim me shkrim, për zrnadhimin ose zvogëlimin e Kapitalit Themeltar këto ndryshime duhen pasqyruar dhe në Aktin e Themelimit dhe në Statut dhe pasi të jenë legalizuar për bazueshmërin ligjore dhe autenticitetin e nënshkrimeve para një NOTERI, ato i dërgohen menjherë për Depozitim *QKR-së*, për të bërë shënimet e nevojshme në Rregjistrin tregëtar të Shoqërive Tregtare.

KREU III: ORGANET DREJTUESE TË SHOQËRISË DHE TË DREJTAT DHE DETYRAT E ORTAKËVE

NENI 18

ORGANET DREJTUESE të Shoqërisë janë:

Asamblea e Ortakëve (e zakonshme dhe e jashtëzakonëshme).

Administratori i Përgjithshëm i Shoqërisë.

NENI 19

Mbledhja Asamblesë Ortakëve, është Organi i vetëm më i lartë Drejtues e Vendimor i Shoqërisë dhe ushtron të gjitha kompetencat që i njeh Ligji "Për tregtarët dhe Shoqëritë Tregëtare" Asamblesë së Ortakëve që janë krijuar me Ortakëri.

Ortaku kryen Drejtirnin dhe Administrimin e Shoqërisë, duke respektuar legjislacionin tregëtar në Fuqi si dhe të drejtat dhe detyrat e përcaktuara në Aktin e Themelirnit dhe në këtë Statut.

Ortaku mund t'ja delegoj Kompetencat një ose më shumë Administratorëve të caktuar me vendim të Asamblesë së Ortakëve, si dhe një Personi fizik jashtë ortakërisë së Shoqërisë, shtetas shqipëtar ose i

huaj mbi bazën e prokurës, të bërë me akt noterial.

NENI 20

Me Vendim të Asamblesë së Ortakeve, Shoqëria mund të zgjerohet duke pranuar një ose me shumë ortakë të tjerë, shtetas shqipëtar apo të huaj, ose të bashkohet me një Shoqëri tjetër tregëtare si brenda vendit dhe jashtë shtetit, të zgjeroj objektin e veprimtarisë së saj etj.

NENI 21

Ortaku i Shoqërisë ka dhe këto të drejta dhe detyra kryesore:

- Të marrë pjesë në Drejtimin dhe administrimin e gjithanshëm të veprimtarisë ekonomiko tregtare të Shoqërisë dhe të çdo veprimtarie tjetër të saj, kur ajo ushtrohet në përputhje me Ligjet, Aktin e Thelimit dhe Statutin e saj.
- Të kërkojë dhe ti jepë të gjitha informatat që kanë të bëjnë me gjëndjen tregtare dhe financiare të veprimtarisë së Shoqërisë, si dhe i të gjitha dokumentave të përpunuara nga Shoqëria, ato që kanë të bëjnë me nxjerrjen e rezultatit Ekonomik të bilancit Kontabël apo për çdo llogari të çelur, si të asaj Likuiduese dhe asaj Rrjedhëse.
- Të marrë pjesë në rezultatet e veprimtarisë së Shoqërisë në çfarëdo forme apo sasi, sipas kontributit të dhënë prej tij.
- Të kryejë shërbime për realizimin e objektivave dhe qëllimeve të veprimtarisë së rregullt ligjore të Shoqërisë.
- Sejcili Ortak si kryesisht dhe me anë të Administratorit brenda ortakërisë ose të atij të emëruar prej tyre jashtë ortakërisë dhe kur ky i fundit është dhe i paisur me prokurë, ushtrojnë dhe këto Të Drejta (të Drejta):

Mundësohen për të kryer të gjitha aktet dhe veprimet juridike që konsiderohen se janë të domosdoshme për ushtrimin e gjithanshëm dhe fitimprurës të veprimtarisë tregëtare të Shoqërisë sipas qëllimeve dhe objektivave të saj siç mund të jenë:

1. Të lidhin Kontrata të ndryshme që kanë për objekt Blerjen, shitjen, këmbirimin dhe marrjen me qera të Pasurive të ndryshme (të luajtëshme dhe të paluajtëshme), atë të servitutit, uzufuktit Enfiteozës, Franchising, Sipërnarrje Ndërtimi, etj si me persona fizikë dhe me Persona juridikë

vendas apo të Huaj, me shtetin dhe në rastin e blerjes të Pasurive të Paluajteshme apo marrjen e tyre me qera për një kohë mbi 9 vjet si dhe të Kontratave të Servitutit, Uzufuktit dhe Enfiteozës, duhet të bëjnë rregjistrimin Hipotekat e ZVRPP të rrethit të juridiksionit përkatës si për transkriptimin e Pronësisë në favor të Shoqërisë apo kalimin e kësaj pasurie në posedim ligjor.

Çdo blerje e pasurive të mësipërme, konsiderohet dhe si shtesë e Kapitalit në Natyrë .

2. Të kryejnë çdo lloj veprimi pranë të gjitha Zyrave shtetërore dhe Private, BANKAT e çdo niveli etj, që kanë të bëjnë me garancitë, Sipërmarrjet, marrjen e Kredive, të Siguracioneve dhe Risiguracioneve për jetën dhe Dëmet, Transportit (brenda vendit dhe jashtë shtetit) kryerjen e veprimeve doganore për zhdoganimin e mallrave të importuara deklarimin e atyre të eksportuar, plotësimin në kohë dhe me rregullsi të dokumentacionit Fiskal, Tatimor, Bankar etj.

Në rastet kur Veprimet juridike kryhen nga Administratori i emëruar nga Ortakët ose personi që Përfaqëson njërin nga Ortakët mbi bazën e një Prokure, këta janë të detyruar që në përfundim të realizimit të veprimit përkatës të njoftojnë menjherë dhe ti japin llogari Asamblesë së Ortakëve.

3. Administratori ose përfaqësuesi me Prokurë, janë individualisht përgjegjës ndaj shoqërisë apo të tretëve, për veprime të kryera në shkelje të ligjeve dhe që bien në kundërshtim me këtë STATUT dhe për dëmin e shkaktuar me *FAJ*, sipas rastit, çdo Ortak mund të ngrejë padi Civile dhe të kërkojë ndaj tyre shlyerjen e plotë të dëmit të shkaktuar, përfshirë dhe fitimin e munguar, duke patur njëkohësisht dhe të drejtën për të bërë kallxim për ndjekje penale në Prokurorin e juridiksionit tokësor përkatës.

NENI 22

a)Shoqeria pushon aktivitetin e saj :

1. kur perfundon afati i percaktuar ne statut.
2. me vendim te ortakut te vetem.
3. per shkak te pushimit te aktivitetit.
4. per shkak te shkrirjes dhe bashkimit me shoqeri te tjera.
5. me falimentim.

6. me vendim gjyqesor ne rastet e percaktuara me ligj.
7. ne te gjitha rastet e tjera te caktuara me ligj.

b) Ne vazhdim, ortakut i vetem emerone nje apo me shume likuidatore.

Ne rast te kundert, eshte gjykata ajo qe emerone likuidatoret dhe percakton per perfundimin e likuidimit.

- a) Ne perfundim te likuidimit, mbetja qe rezulton i takon ortakut te vetem. Ne te njejten menyre perballohen edhe detyrimet.

NENI 23

Te gjitha problemet qe nuk jane trajtuar ne kete statut, do te zgjidhen sipas dispozitave perkatese ne fuqi ne kohen e lindjes se nevojës per zbatim.

NENI 24

Përfaqësimi i Shoqërisë, në mardhëniet me të tretet si brenda vendit dhe jashtë shtetit si rregull dhe përgjithësisht i përket sejcilit Ortak.

NENI 25

Çdo Ortak dhe Administratori i Shoqërisë, i emëruar prej Ortakëve kanë të drejtë që për nevojat e ushtrimit normal të aktivitetit të Shoqërisë, të marrin në punë specialistë dhe shtetas të ndryshëm madhor dhe me zotësi të plotë për të vepruar, duke lidhur Kontratën sipas kriterëve që parashikohen në Kodin e Punës në fuqi dhe shtesat e mëpasme plotësuese të tij dhe me Ligjin Nr.7703 dt.11.05.1993 "Për Sigurimet Shoqërore" si dhe në përputhje me rregullat teknike dhe të disiplinës profesionale të caktuara nga ana e punëdhënësit.

KREU IV: BILANCI, TË ARDHURAT DHE SHPËRNDARJA E SHOQËRISË

NENI 26

Veprimet ekonomiko financiare të Shoqërisë, mbyllen me datën **31 Dhjetor** të çdo viti.

Nxjerrja e Bilancit financiar vjetor, bëhet duke respektuar rregullat mbi Kontabilitetin dhe brenda datës 31 Mars të vitit pasardhës, nga data e mbylljes së vitit financiar.

Për nxjerrjen e rezultalit Kontabël të Shoqërisë, mbi bazën e Aktivit dhe Pasivit me vendim të Ortakëve caktohet një Ekspert Kontabël i Autorizuar.

Eksperti ka për detyrë të kontrollojë dhe verifikojë të gjithë dokumentacionin kontabël të veprimtarisë Ekonomiko tregëtare të Shoqërisë, si atë vjetor dhe atë në lidhje me kontrollet periodike të ushtruara prej tij, për rastet kur ai është ngarkuar dhe ka kryer një gjë të tillë mbi bazën e Vendimit të marrë nga Ortakët e Shoqërisë.

Në përfundim të Kontrollit, Eksperti kontabël i autorizuar përgatit Raportin me shkrim për nxjerrjen e rezultatatit përfundimtar të Bilancit financiar vjetor si dhe për atë për kontrollet periodike të ushtruara, të cilat është i detyruar që t'ja paraqesë dhe dorzojë në kohë Mbledhjes së Asamblesë së Ortakëve, i cili është Organi i vetëm për të shqyrtuar dhe vendosur miratimin e tij.

NENI 27

Nxjerrja e rezultateve të Bilancit vjetor, duhet bërë me saktësi dhe duke respektuar të gjitha rregullat që përcaktohen në Ligjin mbi Kontabilitetin dhe atyre të sistemit të Tatim Taksave që janë të detyrueshme për tu zbatuar nga çdo subjekt privat që ushtron veprimtari tregtare.

Eksperti Kontabël i autorizuar përveç të drejtave, ka dhe këto **detyrime**:

1. Garantoni Asamblen e Ortakëve se llogaritë vjetore janë të rregullta dhe Bilanci është nxjerrë me saktësi dhe konform rregullave të Ligjit "Mbi Kontabilitetin".
2. Të pasqyrojë me vërtetësi rezultatet e operacioneve të vitit të kaluar financiar dhe gjëndjen reale financiare të Shoqërisë në mbylljen e vitit financiar të aktivitetit tregtar të saj.
3. Të verifikojë përputhjet me llogaritë vjetore të Informacioneve të dhëna nga Administratorët e Shoqërisë në Mbledhjet e Asamblesë së Ortakëve, duke përfshirë dhe dokumentat për gjëndjen financiare që ai (Administratori) i ka paraqitur Asamblesë Ortakëve.
4. T'i bëjë të njohur Ortakëve dhe Administratorit të Shoqërisë:

Kontrollet dhe verifikimet që janë bërë prej tij për kontrole periodike ose vjetore, duke vënë në dukje parregullsitë apo pasaktësitë e konstatuara, masat ligjore për rregullimin e tyre etj.

NENI 28

Eksperti Kontabël i autorizuar është përgjegjës ndaj Shoqërisë dhe ndaj të tretëve për pasojat e dëmshme të shkaktuara me fajin e tij (Dashje ose pakujdesi) aktivitetit tregëtar të Shoqërisë, por nuk është përgjegjës kur këto DËME shkaktohen pa dijenin e tij dhe nga veprimet me faj të Administratorit të Shoqërisë.

NENI 29

Bilanci Kontabël vjetor, miratohet mbi bazën e vendimit me shkrim të marrë nga ortakët në mbledhjen e asamblesë së ortakëve, në të cilën jo vetëm që dokumentohet aprovimin e tij por dhe që përcakton dhe në lidhje me disponibilitetin e fondeve ligjore, sipas nevojave të zhvillimit të mëtejshëm të aktivitetit të shoqërisë por dhe për garantimin e veprimitarisë së rregullt të saj, duke patur parasysh Fondin e Akumulimit, krijimin e fondit të veçantë etj.

Për Formimin e fondit rezervë, që emërtohet "*Rezervë e domosdoshme*" Ortakët vendosin që nga fitimi i akumuluar gjatë vitit financiar, pasi të zbriten humbjet e vitit të mëparshëm, të lërë të paktën *1/20 e vlerës së Fitimit të realizuar.*

NENI 30

Të ardhurat neto (dividenti) që mbeten pas veçimit të fondeve ligjore të mësipërme dhe të atyre për shlyerjen e çdo detyrimi tatimor e fiskal apo likuidimin e pagesave ose ekzekutimin e detyrimeve (debive) ndaj të tretëve, i kalojnë në pronësi, Ortakeve në raport me përqindjen e Kontributit financiar që ata kanë dhënë në krijimin e Kapitalit Themeltar.

NENI 31

Shpërndarja ose prishja e shoqërisë, mund të bëhet në çdo kohë dhe për çfarëdo shkak, edhe para plotësimit të afatit për të cilën është krijuar Shoqëria siç mund të jenë:

- a. Humbja e Kapitalit ose pamundësia e vazhdimit të mëtejshëm të veprimitarisë së saj.
- b. Në një nga mënyrat e parashikuara nga Ligji "Për Falimentimin e Shoqërive Tregtare"

c. Me kërkesën e njerit Ortak dhe kur kjo pranohet nga Mbledhja e Asamblesë së Ortakëve.

Në këtë rast Ortakët, marrin vendim me shkrim në të cilin parashikojnë dhe mënyrën e likudimit të shoqërisë, duke caktuar një apo disa likuidatore dhe lëshuar në çdo dokument të nxjerrë prej tij emrin e likuidatorit dhe emërtesën shtesë "*Shoqëri në likuidim e sipër.*"

NENI 32

Akti i emërimit të likuidatorit, publikohet sipas kushteve që parashikon ligji përkatës duke specifikuar dhe dokumentat që duhen depozituar në aneksin e rregjistrimit Tregtar.

NENI 33

Likuidatori është i detyruar që të jetë i vëmëndshëm dhe korrekt si për realizimin e të drejtave për subjektet ndaj të cilave Shoqëria është Kreditore dhe për ekzekutimin e plotë të detyrimeve (debive) që Shoqëria ka ndaj shtetit, shtetasve të veçantë, apo personave fizikë ose juridik vendas apo të huaj.

NENI 34

Çdo mosmarrveshje apo konflikt që mund të lind gjatë ushtrimit të veprimtarisë së Shoqërisë si rregull dhe përgjithësisht Ortakët duhet ta zgjidhin në mirëkuptim, në të kundërt çështjen mund ta bëjnë objekt Konflikti gjyqësor.

Të drejtën e ngritjes së Padisë gjyqësore, në rast konflikti civil, çdo Ortak e disponon në mënyrë të pavarur, duke e ngritur atë në **Gjykatën e rrethit Gjyqësor Tiranë** ose në *Gjykatën ndërkombëtare të Parisit*.

NENI 35

Përsa nuk është shprehur në këtë Statut i referohet udhezimeve plotësuese e konform akteve ligjore e nenligjore në fuqi, të dhëna nga ana e Ortakëve të Shoqërisë si dhe hapsirave juridike lejuese të Legjislacionit në fuqi dhe normave ndërkombëtare.

NENI 36

Ky Statut u **redaktua** në 3 ekzemplarë në gjuhën shqipe dhe me përmbajtje e vlera të njëjta juridike dhe pasi lexohet, miratohet në parim dhe nen për nen nga Ortaku themelues i Shoqërisë

tregëtare "So.Par.Fin" Shpk dhe nënshkruhet prej tij në të gjithë ekzemplarët duke u vënë emri, mbiemri dhe firma origjinale.


ORTAKU THEMELUES

I SHOQËRISË TREGTARE "So.Par.Fin" Sh p k

Miratues i këtij Statuti

Shtetasi Italian

Z. Taddeo Gianluca

A handwritten signature in dark ink, appearing to read "Z. Taddeo Gianluca". The signature is written in a cursive style with a large initial "Z" and a long horizontal stroke.